



**REGIONE AUTÒNOMA DE SARDIGNA
REGIONE AUTONOMA DELLA SARDEGNA**



COMUNE DI SINNAI

COMUNU DE SÌNNIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

At obertu su 26 de Martzu e est oberta fintzas a su 1 de Abrili sa mostra etnogràfica "Dodas - Bistiris traditzionalis in Sardìnnia" apariciada de su Grupu Folk "Sinnai", de su MuA e de Sardinia To do.

Custa mostra contat is bistiris traditzionalis de Sinnia e de atras biddas de sa Sardìnnia. Ocannu in sa mostra ddoi funt is biddas de Silìcua, Sestu, Bidd' 'e Sorris, Sant'Antiogu e Posthudòrra. Dònna bidda at portau duus tipus de bistiris diferentis. Totus de spantu mannu.

Is meris de domu invecis, Sìnna, ant postu cuatru tipus de bistiris, is prus famaus:

- Su bistiri bonu: fiat su bistiri de is fèminas prus arricas, custu poita ca si imperàt brocau, seda e atrus pannus pretziosus;
- Su bistiri a sciallu de seda: nomenau aici poita in conca is fèminas portànt unu sciallu mannu de seda;
- Su bistiri a perra de canna: aici nomenau po mori de sa prenciadura de is camisas chi arregordant apuntu cannas sperradas;
- Su bistiri a baschina: tipu de bistiri imperau cun una baschina, una bistimenta de moda europea chi est intrau in sa moda sarda puru.

In custus bistiris benint imperaus muncadoris, gunneddas, prendas diferentis e cun nòminis meda.

Mancai ndi eus a chistionai in calincunu atru post a pitzus de is bistiris traditzionalis.